

(Das ich vorhin Ewer fürstlichen genaden Herrn
vnd gemahel Meynem gnedigen Herrn Hertzog
Georgen zc in der Latinschen sprach zugeschri-
ben) itzo auch in vnser tew: sch getzung auff das
furtzest aufgezogē vnd vorandert/ mit anhengūg
etzlicher globwürdiger vnd gewisser/ alter vñ narw-
er miracel/ die der selige Vater/ durch seyn grossen
vordinst bey got/ wider den gemeynen louff der na-
tur/ von der stund seynes todes/ bis auff disen hu-
tigen tag vnableszlich vnd wunderbarlich gewur-
cket/ Vnd also/ all seyn thon vnd lassen bey lebē vñ
nach seynē abgang (sovil ich desselben bis hieher
erfahren) von dem Lawset vnd tzechēden iare / dar-
in er an dise werldt geboren/ bis auff dis gegenwer-
tig/ darinnen man schreybet/ nach Christi vnser
liben herren geburt/ Lawsent funffhundert/ vñnd
sibentzehen/ tzu samen gebracht vnd mit eyngeley-
bet/ Wolches ich Ewer fürstlichen genaden auß-
schuldiger vnderthaniger pflicht/ tzu einer ewigen
gedechtnus tzu geeiget/ vnd in d. r selben/ als vnser
Landes fürstin vnd gnedigen Ifrawen/ Ern vnd
namen/ dein gantzē land tzu einer geistlichē frowd
vnd andacht tzu dem gemelten seligen Vater / bey
dem sie tegliche wolhat vnd hilff suchen vnd fin-
den/ in die gemeyn außgehen lassen/ vnderthainig-
lich bittende/ E/ I/ B/ wolle solichs / tzu gnedigē
gefallen von mir annehmen / vnd mich als irē vn-
würdigen Caplan gnediglich beuolhen habē/ das
wil ich gegen got/ meyns armen vermogens/ vñnd
ewer fürstlichē gnaden/ der selben hein vnd gemah-
hel/ vnd des gantzen fürstlichen hawses Meyssen
gluckseligen stand getraulich vnd vle: ssig tzu vor-
bitten nicht vnderlassen. Geben in ewer ifürstlichē
Stat Dresden/ an dem abent vnser Patronen
vñ himelfürstēs des heiligē Dōca Anno 1671 sup.